

馬氏文獻通考



文獻通考卷三百三十九

鄧 陽 馬 端 臨 貴 與 著

四裔考十六

大秦

大秦一名犁軒

軒居言反一云漢時犁軒國也

前後漢時始通焉其國在西海之西亦云海西國其王治安都城宮室皆以水精

爲柱從條支西度海曲萬里去長安蓋四萬里其國平正人居星布其地東西南北各數千里有四百餘城小國

役屬者數十西有大海海西有遲散城王城有官曹簿領而文字習胡人皆髻頭而衣文繡亦有白蓋小車旌旗

之屬又十里一亭三十里一墩一如中州地多師子遮害行旅不百餘人持兵器輒爲所傷其王無常人皆循立

賢者有災異及風雨不時輒廢而更立受放者無怨其人長大平正有類中國故謂之大秦或曰本中國人也王

有駭鷄犀

抱朴子云通天犀有一白理如綫者以盛米置犀鷄中欲啄米至輒驚去故南人名爲駭鷄也

合會諸香煎其汁以爲蘇合土多金銀奇寶夜光璧明

月珠琥珀琉璃神龜白馬朱髦塢瑁元熊赤螭辟毒鼠大貝車渠

廣雅云車渠渠石似玉瑁玉似玉贊出西海有養者似狗多

力獷惡

宗反

北附庸小邑有羊羔自然生於土中候其欲萌築牆護之恐獸所食也其臍與地連割之絕則死擊

物驚之遂絕逐水草無羣又有木難金翅鳥口中結沫所成碧色珠也土人珍之

曹子建詩云珊瑚間木難有幻人能額上爲

炎燼手中作江湖舉足而珠玉自墮開口則旛旄亂出

前漢武帝遣使至安息安息獻犀軒幻人二皆有織成細

布言用水羊毛名曰海西布作氍毹毼毼屬帳之屬其色又鮮於海東諸國所作也又常利得中國縑素解以爲

胡綬紺紋數與安息諸胡交市於海中西南漲海中可七八百里行到珊瑚洲水底有盤石珊瑚生其上大秦人

常乘大船載鐵網令水工沒先入視之可下網乃下初生白而漸漸似苗坼甲歷一歲許出網目間變作黃色支格交錯高極三四尺大者圍尺餘三年色乃赤好復視之知可採便以鐵鈔發其根乃以索繫網使人於船上絞車舉出還國理截恣意所作若失時不舉便蠹敗其國以金銀爲錢銀錢十當金錢一其人質直市無二價穀食常賤國用富饒鄰國使到其界首者乘驛詣王都至則給以金錢其王常欲通使於漢而安息欲以漢繒綵與之交市故遮闔不得自達又塗經大海商客往來皆資三歲糧是以至者稀桓帝元熹初大秦王安敦遣使自日南徼外獻象牙犀角瑁始乃一通焉其所表貢並無珍異疑傳者隱之至晉武帝大康中其王遣使貢獻或云其國西有弱水流沙近西王母所處幾於日所入也外國圖云從峴巨北有國名大秦其種長大身丈五六尺杜眼紅白男子悉著素衣婦人皆服珠錦好飲酒尙乾餅多工巧善織絡或有浮在諸國守死不敗鄉風琉璃妙者天下莫比王城方八十里四面境土各數千里勝兵約有百萬常與大食相禦西枕西海南枕南海北接可薩突厥西海中有市客主同和我往則彼去彼來則我歸賣者陳之於前買者酬之於後皆以其直置諸物傍待領直然復敗物名曰鬼市又聞西有女國感水而生又云摩隣國在秋薩羅國西南度大磧行二千里至其國其人黑其俗膳少米麥無草木馬食乾魚人食鴿莽鴿莽即波斯棗也瘴癘特甚諸國陸行之所經山胡則一種法有數般有大食法有大秦法有尋法其尋尋燕報於諸夷狄中最甚當食不語其大食法者以弟子親戚而作判典縱有微過不至相累不食豬肉唯飲酒放浪終日其大秦善醫眼及痢或未病先見或聞腦出蟲其國東南通交趾又日一假不買賣不出納唯飲酒放浪終日其大秦善醫眼及痢或未病先見或聞腦出蟲其國東南通交趾又

水道通益州永昌郡多出異物大秦西海水西有河河西南流河西有南北山山西有赤水西有白玉山山西有西王母山玉爲室至云從安息西界循海曲亦至大秦迴萬餘里於彼國觀日月星辰無異中國而前史云條支西行百里日入處失之遠矣唐貞觀十七年拂菻王波多力新唐書云拂菻即古大秦也遣使獻赤玻璃綠金精下詔答資大食強而伐之遂臣屬焉乾封至大定再朝獻開元七年因吐火羅大會獻師子羚羊

小人在大秦之南疆纔三尺其耕種之時懼鶴所食大秦每衛助之小人竭其珍以酬報

軒渠

軒渠其國多九色鳥青口綠頸紫翼紅膺紺頂丹足碧身細背元尾亦名九尾鳥亦名錦鳳其青多紅少謂之繡鸞常從弱水西來或云是西王母之禽也其國幣貨同三童國

三童

三童在軒渠國西南千里人皆服有三精珠或有四舌者能爲一種聲亦能俱語常貨多用蕉越犀象作金幣率效國王之面亦效王后之面若丈夫交易則用國王之面王死則更鑄已上三國與大秦隣接故附之

澤散

澤散魏時聞爲屬大秦其治在海中央北至驢分水行半歲風疾時一月到最與安息城谷相近西南詣大秦都不知里數

驢分

驢分魏時聞爲屬大秦其治去大秦都二千里其驢分城西之大秦度海飛橋長二百四十里發海道西南繞海道直西行至焉

堅昆

堅昆魏時聞爲在康居西勝兵二萬人隨水草畜牧多貂有好馬

呼得

丁令

短人

馬行一月有短人國長者不踰三尺亦有二尺者頭少毛髮者羊胞之狀突厥呼爲羊胞頭國其傍無他種類相倫雖越盜但有高七八尺常伺短人啄茹食之短人皆持弓矢以爲之備案此亦在西北即魏略云短人

也國
是

波斯

波斯後魏時通焉在達昌水之西都宿利城後周史云蘇利城隋史云閩城記錄音訛其實一也有河經其城中南流卽條支之故地也

大月氏之別種其先有波斯匿王其子孫以王父字爲氏因爲國號焉王姓波斯戶十餘萬東去中國萬餘里西去海數百里東南去穆國四千餘里西北至拂菻四千五百里有樓觀屋宇佛寺城西十五里有土山山周迴高

大其勢連接甚遠中有鸛鳥噉羊土人極以爲患其王坐金羊座戴金花冠衣錦袍織成帔飾以眞珠寶物其俗丈夫翦髮戴白皮帽貫頭衫兩肩近下開之并布布帔緣以織成婦人服大衫帔仍貫五色珠絡之於膊王卽位以後擇諸子內賢者密書其名封之於庫諸子及大臣皆莫之知也王死衆乃共發書視之其封內有名者卽立以爲王餘子各出就邊任兄弟更不相見也國人號王曰醫讚才觀反妃曰陟率王之諸子曰殺野其刑法重罪懸諸竿射而殺之次則繫獄新王立乃釋之賦稅准地輸銀錢事火神天神婚合不擇尊卑於諸夷中最爲醜穢死者多棄尸於山一月治服城外有人別居唯知喪葬之事號爲不淨人若入城市搖鈴自別以六月爲歲首氣候暑熱家自藏冰其地多砂磧引水溉灌其五穀及禽獸與中州略同唯無稻黍土出名馬及駝富室至有數千頭者出家師子多良犬有大鳥形如橐駝有兩翼飛而不能高食草與肉亦能噉人有大鳥卵眞珠玻璃珊瑚琉璃瑪瑙水精瑟瑟金銀鎗石金剛火齊銅錫鐵朱砂水銀錦疊細布氍毹毼毼護那越諸布金縷織成赤罽皮熏陸鬱金蘇合青水等香胡椒華撥石蜜千年棗香附子訶黎勒無食子鹽綠雌黃又有優鉢曇花鮮華可愛地有鹹池俗尊右下左祠天地日月水火戰乘象一象士百人貢則盡殺叛者鐵灼其舌瘡曰爲直黑爲曲魏神龜中其國遣使上書貢物云大國天子天之所生願日出處常爲漢中天子波斯國王居和多千萬敬拜朝廷嘉納之自此每使朝獻恭帝二年其王又遣使獻方物梁中大通二年始通江左遣使獻佛牙隋煬帝時遣雲騎尉李昱使通波斯尋有使隨昱貢方物隋末西突厥葉護可汗討殘其國而不能有唐貞觀十二年遣使朝貢又獻活襪蛇狀類鼠色正青長八九寸能入穴取鼠後其王爲大會所逐大食復攻之遣使告難高宗以遠不可師謝遣龍朔初又訴爲大食所侵時天子遣使到西域分置州縣以疾陵城爲波斯都督府拜其王爲都督俄爲大食所滅

雖不能國咸亨中猶入朝授右武衛將軍死始其子泥涅師爲質調露元年詔裴行儉將兵護還將復王其國以道遠至安西碎葉行儉還泥涅師因客吐火羅二十年部落益離散景龍初復來朝授左威衛將軍病死西部獨存開元天寶間遣使者十輩獻瑪瑙牀火毛繡舞筵乾元初從大食襲廣州焚倉庫廬舍浮海走大厯時復來獻又有陀拔斯單者或曰陀拔薩憚其國三面阻山北瀕小海居婆里城世爲波斯東大將波斯滅不能臣大食天寶五載王忽魯汗遣使入朝封爲歸信王後八年遣子自會羅來朝拜右武衛員外中郎將賜紫袍金魚留宿衛爲黑衣大食所滅貞觀後遠小國君遣使來朝獻有司未嘗參考本末者今附之左方曰火辭彌與波斯接貞觀十八年與摩羅游使者偕朝二十一年有健達王獻佛土菜莖五葉赤華紫須龍朔元年多福王難婆脩疆宜說遣使者來朝總章元年有末陀提王開元五年有習阿薩般王安殺並遣使來朝貢七年訶里施王捺塞因吐火羅大會摩羅獻獅子五色鸚鵡天寶時來朝者曰俱爛那曰舍摩曰威達曰蘇吉利發屋闌曰蘇利息單曰建成曰新城曰俱位凡八國俱位或曰商彌治阿賒颰師多城在大雪山勃律河北地寒有五穀蒲萄石榴冬寗室國人常助小勃律爲中國候新城之國在石東北羸百里有弩室羯城亦曰新城曰小石國城後爲葛邏祿所并

悅般

悅般國在烏孫西北其先匈奴北單于之部落爲漢車騎將軍竇憲所逐北單于度金微山西走康居其羸弱不能去者住龜茲北地方數千里衆可二十餘萬涼州人猶謂之單于王其風俗言語與高車同而其人清潔於胡俗翦髮齊眉以餽餽塗之昱昱然光澤日三澡漱然後飲食其國南界有火山山傍石皆燦鎔流地數十里乃凝堅人取以爲藥卽石流黃也與蠕蠕結好其王嘗將數千人入蠕蠕國欲與大檀相見入其界百餘里見其部人

不浣衣不絆髮不洗手婦人口舐器物王謂其從臣曰汝曹誑我將我入此狗國中乃馳還大檀遣騎追之不及自是相仇讎數相征討魏太平眞君九年遣使朝獻并送幻人稱能割人喉脉令斷斃人頭令骨陷皆血出或數升或盈斗以草藥納其口中令嚼咽之須臾血止養瘡一月復常又無痕瘢世疑其虛乃取死罪囚試之皆驗云中國諸名山皆有此草乃使人受其術而厚遇之又言其國有大術者蠕蠕來抄掠術人能作霖雨盲風大雪及行療蠕蠕凍死漂亡者十二三是歲再遣使朝貢求與官軍東西齊契討蠕蠕太武嘉其意命中外諸軍戒嚴以淮南王他爲前鋒襲蠕蠕仍詔有司以其鼓舞之節施於樂府自是每使朝貢

伏盧尼

伏盧尼後魏時通焉治伏盧尼城在波斯國西北有大河南流中有鳥其形似人亦有似橐駝馬者皆有翼常居水中出水便死城北有云尼山出銀珊瑚琥珀多獅子

朱俱波

朱俱波後魏時通焉亦名朱居槃國漢子合國也今并有之漢西夜蒲犁依附得若四國之地在于闐國西千餘里其西至渴槃國南至女國三千里北至疎勒九百里南至葱嶺二百里其王本疎勒國人

魏略西戎傳曰西夜并屬疎勒宣武

永平中朱居槃國遣使朝貢其人言語異于闐相似其間小異人貌多同華夏亦類疎勒唐武德以後頻遣使朝貢

渴槃陀

渴槃陀後魏時通焉亦名漢陀國亦名渴羅陀國治葱嶺中在朱俱波國西至護密國其南至懸度山無定界北

至疎勒國界西北至判汗國其王本疎勒人累代相承以居此國有戶二千餘懸度山在國西南四百里懸度者石山也谿谷不通以繩索相引而度其間四百里中往往有棧道因以爲名今按懸度葱嶺迤邐相屬郵置所絕道阻且長故行人由之莫能分別然法顯宋雲所經卽懸度山也又有頭痛山在國西南鄉屬賓歷大頭痛小頭痛之山赤土身熱之阪宋齊異物志云大頭痛小頭痛山皆在渠搜之東疎勒之西經之者身熱頭痛夏其葱嶺不可行行則斃死唯冬可行尙嘔吐山有毒藥氣之所爲也冬乃枯歇故可行也俗號極嶺山今按葱嶺周環其國衣服人貌語言與于闐相似其間多有異者書與婆羅門同國中咸事佛人山居勁健雜人多而胡少有音樂兵器有甲稍弓刀國法殺人却賊者死餘徵罰其稅雜輸之服飾婚姻同疎勒王坐金牀死者埋殯七日爲孝太武帝大延三年朝獻於後不絕

粟弋

粟弋後魏通焉在葱嶺大國一名特拘夢出好馬牛羊蒲萄諸果出美蒲萄酒其土地水美故也出大禾高丈餘子如胡豆在安息北五千里附庸小國四百餘城太武時遣使朝貢

阿鈎羌

阿鈎羌後魏通焉在莎車西南國西有懸度山其間四百里中往往有棧道下臨不測之淵人行以繩索相持而度土有五穀諸果市用錢爲貨居止立宮室有兵器

副貨

副貨後魏通焉東至阿富使且國西至沒離國中間相去千里南有連山不知名北至奇沙國相去千五百里宜五穀蒲萄唯有駝驢國王有黃金殿殿下有金駝七頭各高三尺孝文帝時其王遣使朝貢

疊伏羅

疊伏羅後魏通焉去代三萬一千里國中有勿悉城城北有彊奇水西流有白象土宜五穀宣武帝時遣使貢方物

石國

石國隋時通焉居於藥殺水都柘折城方千餘里本漢大宛北鄙之地東與北至西突厥界西至波臘國界西南至康居界南至率都沙那國界王姓石國城之東南立屋置座於中正月六日七月十五日以王父母燒餘之骨金甕盛之置於床上巡繞而行散以香花雜果王率臣下設祭焉禮終王與夫人出就別帳臣下以次列坐而饗宴有粟麥多良馬南去鐵汗六百里東南去瓜州六千里嘗貳於突厥射匱可汗滅之令特勒旬攝其國事隋大業五年遣使朝貢唐武德貞觀間數獻方物顯慶三年以瞰羯城為大宛都督府授其王都督開元初封其君長為石國王二十八年又册順義王明年其王上言今突厥已屬天可汗惟大食為諸國患請討之天子不許天寶初封王子那俱車鼻施為懷化王賜鐵券久之安西節度使高仙芝効其無蕃臣禮請討之王約降仙芝遣使者護送至開遠門斬闕下於是皆怨王子走大食乞兵攻怛邏斯城敗仙芝軍自是臣大食寶應時遣使朝貢

經行記云其國城一名括支一名大宛天寶中鐵西節度使高仙芝禽其王及妻子歸京師國中有二水一名其

唐北界嶺北是突厥騎施南界西南至葱嶺二千餘里其水嶺南流者盡過中國而歸東海嶺北流者靈歸胡部

庭節度使王正見薄伐城壁掘邑居零落昔交河公主所居止之處建大雲寺猶存其川西接石國約長千餘

里中有異姓部落有異姓突厥各有兵馬數萬城壘間雜日尋干戈凡是農人皆擐甲冑轉相掠以爲奴婢其

川西頭有城曰怛羅斯石國人饌即天寶十載高仙芝軍敗之地從此至西海以來自三月至九月天無雲雨音

以雪水種田宜大麥小麥稻示
豌豆畢豆飲蒲萄酒糜酒醋乳

東女

東女亦曰蘇伐刺拏瞿咀羅羌別種也西海亦有女自王故稱東別之東與吐蕃党項茂州接西屬三汲訶北距于闐東南屬雅州羅女蠻曰狼夷東西行盡九日南北行盡二十日有八十城以女爲君居康延川巖險四緣有弱水南流縫革爲船戶四萬勝兵萬人王號賓就官曰高霸黎猶言宰相也官在外者率男子爲之凡號令女官自內傳男官受而行之王侍女數百五日一聽政王死以金錢數萬納王族求淑女立之凡二次爲小王王死因以爲嗣或姑死婦繼無篡奪所居皆重屋王九層國人六層王服青毛綾裙被青袍袖委於地冬羊裘飾以文錦爲小鬟髻耳垂璫足曳鞢履俗輕男子女貴者咸有侍男被髮以青塗面惟務戰與耕而已子從母姓地寒宜麥畜羊馬出黃金風俗大與天竺同以十一月爲正巫者以十月詣山中布糟麥咒呼羣鳥俄有鳥來如雞狀剖視之有穀者歲豐否卽有災名曰鳥卜居喪三年不易服不櫛沐貴人死剝葬其皮肉骨鑿之糝金屑瘞之王之葬殉者至數十人隋開皇六年遣使朝貢唐武德時王湯滂氏始遣使入貢高祖厚報爲突厥所掠不得通貞觀中使復至太宗璽制慰撫顯慶初遣高霸黎文與王子三盧來朝授右監門中郎將其王斂臂使大臣來請官號武后册拜斂臂左玉鈐衛員外將軍賜瑞錦服天授開元間王及子再來朝詔與宰相宴曲江封王曳夫爲歸昌王左金吾衛大將軍後乃以男子爲王貞元九年其王湯立悉與白狗君及哥隣君董臥庭通租君鄧吉知南水君薛尙悉曩弱水君董避和悉董君湯悉贊清遠君蘇唐磨咄霸君董義蓬皆詣劍南韋皋求內附其種散居西山弱水雖自謂王蓋小小部落耳自失河隴悉爲吐蕃羈屬部數千戶輒置令歲督絲絮至是猶上天寶所賜詔書

舉處其衆於維霸等州賜牛糧治生業立悉等入朝差賜官祿於是松州羌二萬口相踵入附立悉等官刺史皆得世襲然陰附吐蕃故謂之兩面羌

西女

西女國在葱嶺之西其俗與東女略同種皆女子多珍貨附拂菻君長歲遣男子配焉俗產男子不舉唐貞觀八年朝貢使至

吐火羅

吐火羅一名土壑宜後魏時吐呼羅國也隋時通焉都葱嶺西五百里在烏濬河南卽媯水也與挹怛雜居勝兵十萬人皆習戰俗奉佛多男少婦人故兄弟通室婦人五夫則首戴五角十夫戴十角男子無兄弟者則與他人結爲昆季方始得妻不然終身無婦矣生子屬其長兄被服文字與于闐略同城北有玻璃山南崖穴中有神馬國人每牧馬於其側時產名駒皆汗血焉其北界則漢時大宛之地南去舊國千七百里東去瓜州六千七百里大業中遣使來貢唐初屬西突厥高宗永徽初遣使獻大鳥高七尺其色元足如駝鼓翅而行日三百里能噉鐵夷俗謂駝鳥龍朔元年吐火羅置州縣使王名達進西域圖記并請于闐以西波斯以東十六國分置都督府及州八十縣一百軍府一百二十六仍於吐火羅立碑以紀聖德帝從之開元天寶間數獻馬騾異藥乾陀婆羅二品紅碧玻璃乃冊其君骨咄祿頓達度爲吐火羅葉挹怛王其後隣胡羯師謀引吐蕃攻吐火羅於是葉護失里忙伽羅丐安西兵助討帝爲出師破之乾元初與西域九國發兵爲天子討賊肅宗詔隸朔方行營

劫國

劫國隋時闢焉在葱嶺中西與南俱與賒彌國界接西北至挹怛國去長安萬二千里有戶數萬氣候熱有稻麥粟豆羊馬出洛沙青黛婚姻同突厥死亡棄於山唐武德二年遣使貢寶帶金鑲玻璃水精盃各一玻璃四百九十枚大者如棗小者如酸棗

施羅伊羅

施羅伊羅隋時闢焉在烏荼國北大雪山坡上緣梯登山接七百梯方到其國

越底延

越底延國隋時闢焉治辛頭河北南至婆羅門國三千里西北至賒彌國千餘里東北至瓜州五千四百里其王婆羅門種類戶數萬有弓矢刀稍皮甲國法不殺人重罪流輕者杖國無課稅其俗事佛書同婆羅門王及庶人剪髮衣錦袍不開縫貧者衣白疊婦人爲髻衣裙衫帔長巾俗清潔氣候溫多稻有羊馬多牛出鎗石訶黎勒石蜜麋皮細疊

大食

大食唐永徽中遣使朝貢云其國在波斯之西或云初有波斯胡人若有神助得刀殺人因招附諸胡有胡人十
一來據次弟磨首受化爲王此後衆漸歸附遂滅波斯又破拂菻及婆羅門城所當無敵兵衆有四十二萬有國
以來三十四年矣初王已死次傳第一摩首者今王卽是第三其王姓大食其國男夫鼻大面長瘦黑多鬚鬢以
婆羅門婦女多端麗亦有文學與波斯不同出駝馬驢騾羖羊等土多砂石不堪耕種無五穀唯食駝象等肉破
波斯拂菻始有米麵敬事天神又云其王嘗遣人乘船將衣糧入海經涉八年未極西岸於海中見一方石石上

有樹枝赤葉青樹上總生小兒長六七寸見人不語而皆能笑動其手脚頭着樹枝人摘取入手即乾黑其使得

一枝還今在大食王處杜遠經行記云一名亞俱羅其大食王號暮門都此處其土女製偉壯大衣裳鮮潔容止

佩銀刀斷飲酒禁音樂人相爭者不至毆擊又有禮堂容數萬人每七日王出禮拜登高為衆說法曰人生甚難

天道不易奸非切細細行謬言安已危人欺貧虐賤有一於此罪莫大焉凡有征戰為敵所戮必得生天殺其敵

人獲福無量奉上稟化從之如流法唯從寬葬唯從儉郭郭之內里間之中土地所生無物不有四方輻輳萬貨

豐饒綉珠貝滿於市肆駝馬驢騾充於街巷刻石蜜為饌舍有似中國寶器每至節日將獻貴人琉璃器皿輸

石瓶鉢蓋不可算數糧米白麵不異中華其果有扁桃又干女棗其蔓苦根大如斗而圓味甚美餘菜亦與諸國

同蒲萄大者如雞子香油貴者有二一名耶萎憂一名沒回年女甲反時香草貴者有二一名查塞塞蒲孔皮一名

葵蘆荑後絹機杼金銀所產匠漢匠起作畫者京兆人樊淑劉泚織絳者河東人梁際呂禮又以橐駝駕車其馬

俗云西海濱龍興馬交所產匠漢匠起作畫者京兆人樊淑劉泚織絳者河東人梁際呂禮又以橐駝駕車其馬

高四尺以上腳似駝蹄項勝得人騎行五六里有那大如三升又有薺樹實如夏棗堪作油食除瘴其氣候溫

土地無冰雪人多瘡痼一年之內十中五死今吞滅四五十國皆為所役屬多分其兵鎮守其境盡於西海焉又

云米祿國在亞梅國西南七百餘里胡姓米者茲土人也其城方十五里用鐵為城門城中有鹽池又有兩所佛

寺其境東西四百四十里南北百八十里村樵連接樹木交映四面合匝地是流沙南有大河流入其境分渠數百

灌漑一川其土沃饒其人淨潔墻宇高厚市廛平正木既雕刻土亦繪畫又有細軟疊布羔羊皮裘估其上者直

銀錢數百果有紅桃白棗退白黃李瓜大者名尋支十餘人冷一顆輒足越瓜長四尺以上葉有蔓青蘿蒿長慈

顧葱芸薑胡荽葛藍單遠茴香英蘆瓠蘆尤多蒲萄又有黃生野馬水鴨石雞其俗以五月為歲每歲以畫缸相
獻有打毬節鞦韆節其大食東道使鎮於此從此至西海以來大食波斯參雜居山其俗禮天不食白死肉及宿
肉以香油塗髮又云苦國在大食西界周迴數千里造屋兼瓦疊石為壁米穀殊賤有大川東流入亞俱羅國客
雜此國彼往來相繼人多魁梧衣裘寬大有似儒服其苦國有五節度有兵馬一萬以上北接可薩突厥可薩北
牛又有突厥足似開元初復遣使獻馬銅帶謁見不拜有司將劾之中書令張說謂殊俗慕義不可實於罪元宗赦
之使者又來辭曰國人止拜天見王無拜也有司切責乃拜十四年遣使蘇黎滿獻方物拜果毅賜緋袍帶或曰
大食族中有孤列種世酋長號白衣大食種有二姓一曰盆尼末換二曰奚深有摩訶末者勇而智眾立為王闡
地三千里克夏臘城傳十四世至末換殺兄伊疾自王下怨其忍有呼羅柵木鹿人並波悉林將討之徇眾曰助
我者皆黑衣俄而眾數萬即殺末換求奚深種孫阿蒲羅拔為王更號黑衣大食蒲羅死弟阿蒲恭拂立至德初

遣使者朝貢代宗取其兵平兩京阿蒲蒸拂死子迷地立死弟訶論立貞元時與吐蕃相攻吐蕃歲西師故鮮盜邊十四年遣使者含嵯烏雞沙北三人朝皆拜中郎將資遣之宋乾德四年僧行勤游西域因賜王書以招懷之開寶元年遣使來朝貢四年又貢方物以其使李訶末爲懷化將軍特以金花五色綾紙寫官誥以賜是年本國及占城閩婆又致貢物於李煜煜不敢受遣使來上因詔今後勿以爲獻六年遣使來貢方物七年九年皆遣使入貢太平興國二年遣使貢方物其從者目深體黑謂之崑崙奴詔賜其使襲衣器幣從者繖帛有差四年復有朝貢使至雍熙二年國人花茶復來獻花綿越諸揀香白龍腦白沙糖薔薇水琉璃器淳化四年又遣其副蕃長李亞勿來貢其國舶主蒲希密至南海以老病不能詣闕乃以方物附亞勿來獻希密進象牙乳香鑲鐵紅絲吉貝五色雜花番錦白越諸琉璃瓶無名異薔薇水等詔賜希密敕書錦袍銀帶束帛以答之至道元年其國舶主蒲押陀黎齋蒲希密表獻白龍腦膈肭臍龍鹽眼藥白沙糖千年聚五味子偏桃薔薇水乳香山子華錦駝馬褥面白越諸引對於崇政殿譯者代奏云父蒲希密因緣射利泛舶至廣州逮今五稔未歸母令臣遠來尋訪昨至廣州見之具言前歲蒙皇帝聖恩降赦書賜以法錦袍紫綾纒頭間塗金銀鳳瓶一對綾絹二十疋今令臣奉章來謝以方物致貢太宗因問其國對云與大秦國相隣爲其統屬今本國所管之民裁及數千有都城界山海間又問其山澤所出對云唯犀象香藥間犀象以何法可取對云象用象媒誘致漸以大繩羈縻之耳犀則使人升大樹操弓矢伺其至射而殺之其小者不用弓矢可以捕獲上賜以襲衣冠帶被褥等物令閣門宴犒訖就館延留數月遣回降詔答賜蒲希密黃金準其所貢之直三年二月又與賓同隴國使來朝咸平二年又遣判官文成至三年舶主陀羅離遣使穆吉鼻來貢吉鼻還賜陀羅離詔書并器服鞍馬六年又遣使婆欽羅三摩尼等對於

崇政殿持眞珠以進自云離國日誠願得瞻威顏卽獻此乞不給回賜眞宗不欲違其意俟其還優加恩資景德元年又遣使來時與三佛齊蒲端國使並在京師會上元館鐙皆賜錢縱其宴飲其年秋蕃客蒲加心至四年又遣使同占城使來優加館餽之禮許徧至苑囿寺觀遊覽大中祥符元年十月車駕東封陞婆離上言願執方物赴泰山從之自國初以來數入貢路繇沙州涉夏國抵秦州乾興初趙德明請道其國中不許至天聖元年來貢恐爲西人鈔掠乃詔自今取海路繇廣州至京師至和嘉祐間四貢方物最後以其首領蒲沙乙爲武寧司階每入貢朝廷視其物多寡加賜答之以進奉蕃官爲郎將熙寧中其使辛押陀乞統察蕃長司公事詔廣州裁度又進錢銀助修廣州城不許六年都蕃首保順郎將蒲陀婆離慈表令男麻勿奉貢物乞以自代而求爲將軍詔但受麻勿郎將其國部屬各異名故有勿延有陀婆離有俞盧和地有麻囉拔等國然皆冠以大食勿延所貢又有龍腦兜羅綿毬錦襪番花簾陞婆有金飾壽帶連環鉤臂數珠之屬政和中橫州土曹蔡蒙休押伴其使入都沿道故滯留強市其香藥不償直事聞詔提點刑獄置獄推治因詔自今蕃夷入貢並選承務郎以上清強官押伴按程而行無故不得過一日乞取買市者以自盜論其國在泉州西北自泉州發船四十餘日至藍里博易住冬次年再發順風六十餘日方至其國本國所產多運載與三佛齊貿易商賈轉販以至中國其國雄壯其地廣袤民俗侈麗甲於諸蕃天氣多寒雪厚二三尺故貴氍毹國據諸蕃衝要其王錦衣玉帶躡金履朔望則戴百寶純金冠其居以瑪瑙爲柱綠甘爲壁水晶爲瓦礫石爲甍活石爲灰雉幕之屬悉用百花錦官有丞相太尉各領兵馬二萬餘人馬高七尺士卒驍勇民居屋宇與中國同但瓦則以薄石爲之市肆諠譁金銀綾錦之屬種種而聚技巧咸精建炎三年張浚奏大食國遣使進奉珠玉寶貝等物已至熙州上宣諭曰大觀宣和間茶馬之政廢

川茶不以博馬惟市珠玉故馬政浸缺武備不脩致胡虜亂華危弱之甚今若復捐數十萬緡貿易無用珠玉曷若惜財以養戰士宜以禮贈賄而謝遣之乃詔張浚並不得受量度支賜以答遠人之意紹興元年六年俱以船舶入貢乾道四年遣貢方物初遣使資寶貝象牙乳香等入貢舟至占城爲所奪訴於福建市舶上令以禮遣回開禧間遣使入貢

拂菻

拂菻國南東至滅力沙北至海皆四十程西至海三十程東自西大食及于闐回紇達靉青唐乃抵中國歷代未嘗朝貢至宋元豐四年十月其王滅力沙靈改撒始遣大首領你斯都令斯孟判來獻鞍馬刀劍真珠言其國地甚寒土屋無瓦產金銀珠胡錦牛羊馬獨峯駝梨杏千年棗巴欖栗麥以蒲萄釀酒樂有箏篋胡琴小篳篥偏鼓王服紅黃衣以金線織絲布纏頭歲三月則詣佛寺坐紅床使人舁之貴人如王之服或青綠緋白粉紅紫褐並纏頭跨馬城市田野皆有首領主之每歲爲夏秋兩得俸給金錢錦縠帛以治事大小爲差刑罰罪輕者杖數百重者至二百大罪則盛以毛囊投諸海不尙鬪戰鄰國小有爭但以文字往來相詰問事大亦出兵鑄金銀爲錢無穿孔面鑿彌勒佛皆爲王名禁民私造元祐六年其使兩至詔別賜其王帛二百疋白金餅對衣金束帶按唐史有拂菻國以爲節古大秦也然大秦自後漢始通中國唐晉唐貢獻不廢而宋四朝史拂菻傳則以爲其國歷代未嘗朝貢至元豐時始遣使入獻方物今以二史兩拂菻傳參之唐傳言其國西瀕大海宋傳則言西至海尙三千程而餘界亦齟齬不合土產風俗亦不同恐是其名偶同而非大秦也今故以唐之拂菻附入大秦而此拂菻自爲一國云